

Broj: 05-02-495/09

Mostar, 13.05.2009. g.

**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI / ZASTUPNIČKI DOM  
n/r g-din Beriz Belkić, predsjedavajući**

 **BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO**

PRIMLIENO: 21-05-2009			
Organizaciona jedinica	Klasifikaciona oznaka	Redni broj	Broj priloga
01-50-1-15-52			09

**PREDMET: Poslaničko pitanje, odgovor dostavlja se**

U prilogu akta Predstavničkog doma Parlamentarne skupštine BiH broj: 01-50-1-15-52/09 od 29. aprila 2009.g. dostavljeno nam je poslaničko pitanje koje je poslanik Husein Nanić, na 46. sjednici Predstavničkog doma Parlamentarne skupštine BiH, održanoj 18.februara 2009.g., postavio Federalnom ministru energije, rudarstva i industrije, koje glasi:

1. Da li se prati realizacija preuzetih obaveza po Ugovoru o dokapitalizaciji "Energopetrola" i šta je Vlada i Agencija poduzela i šta će poduzeti da se ugovor u potpunosti ispoštuje?

Na 52. sjednici Predstavničkog doma Parlamentarne skupštine Bosne i Hercegovine održanoj 29. aprila 2009. godine, poslanik Husein Nanić je, u okviru komentara na poslanička pitanja, izrazio nezadovoljstvo jer nije dobio odgovor od FMERI pa je ostao kod zahtjeva na tom odgovoru.

### **Odgovor na pitanja:**

Uz dužno izvinjenje zbog kašnjenja u dostavljanju odgovora na postavljeno pitanje, do kojeg je došlo iz tehničkih razloga prilikom označavanja više Vaših pitanja, odgovaramo Vam na isto, kako slijedi:

Podsjećamo, Ugovor o dokapitalizaciji "Energopetrol" d.d. Sarajevo zaključen je dana 08.09.2006.g. između Vlade Federacije BiH i privrednog društva "Energopetrol" d.d. Sarajevo, kao ugovarača sa jedne strane i MOL; Hungarien Oil and Gas PLC i INA-industrija nafte d.d Zagreb, kao sa druge strane.

Strateški partner u procesu dokapitalizacije Konzorcij MOL/INA, preuzeo je 67 % vlasništva nad "Energopetrolom", odnosno nad 65 benzinskih pumpi i dvije upravne zgrade. Ugovorom se strateški partner MOL/INA obavezao da će, između ostalog, u naredne tri godine investirati 150 miliona KM, sa 60 miliona sanirati dugove prema finansijskom izvještaju od 31.12.2004.g. (povećanje osnovnog kapitala), zadržati/zbrinuti svih 1.059 zaposlenika koji su bili u radnom odnosu u vrijeme potpisivanja ugovora, te platiti naknadu Vladi FBiH u iznosu od 10.200.200,00 KM.

Predstavnici Koordinacionog odbora Sindikata "Energopetrola" i konzorcija INA/MOL potpisali su 07.09.2006 Memorandum o socijalnom paketu kojim se radnicima ove naftne kompanije garantuju sva prava koja su do tada imali.

Vlada FBiH je, na svojoj 28. sjednici održanoj dana 10.10.2007.g., na osnovu Informacije Federalnog ministarstva energije, rudarstva i industrije o praćenju aktivnosti vezanih za dokapitalizaciju "Energopetrola" d.d. Sarajevo, donijela Zaključak da Agencija za privatizaciju u FBiH preuzme obavezu praćenja izvršenja obaveza prema Ugovoru o dokapitalizaciji i blagovremeno izvještava Vladu FBiH.

Vlada se na ovakav zaključak opredijelila zbog složene situacije u "Energopetrolu", zbog poslovnih gubitaka i naglašenog socijalnog aspekta zbrinjavanja 1.059 zaposlenika koji ostaju na radnim mjestima sa svim zakonskim pravima, te praćenja ostalih ugovorenih obaveza što nalaže stalno praćenje i nadzor nad provođenjem odredbi Ugovora o dokapitalizaciji.

U skladu sa Zaključkom Vlade FBiH, direktor Agencije za privatizaciju u FBiH je Rješenjem broj 02-34-3961/07 od 11.10.2007.g. formirao Komisiju za praćenje realizacije i izvršenje ugovorenih obaveza u postupku dokapitalizacije preuzeća "Energopetrola" d.d. Sarajevo i dostavu izvještaja za Vladu FBiH.

Kako je iz neautoriziranog transkripta, koji smo dobili u prilogu akta Predstavničkog doma Parlamentarne skupštine BiH broj: 01-50-1-15-52/09 od 29. aprila 2009.g., vidljivo da ste Izvještaj Agencije za privatizaciju u FBiH dobili, a u kojem su detaljno izneseni svi podaci vezani za dokapitalizaciju "Energopetrol" d.d. Sarajevo, to Vam zbog identičnosti informacija iste nećemo ponavljati.

Na osnovu dobijenih podataka Komisija je predložila Vladi Federacije BiH poduzimanje slijedećih aktivnosti:

1. Da Vlada, kao ugovorna strana, zajedno sa kupcem najhitnije započne aktivnosti na angažiranju obostarno prihvatljive nezavisne međunarodne revizorske kuće koja djeluje i registrovana je na području BiH radi sačinjavanja zaključenog nalaza o ispunjavanju obaveza Konzorcija o izvršavanju investicija za prethodni period.
2. Potrebno je da ugovorne strane daju tumačenje odredbe člana 9. tačka 4. Ugovora, a koje se odnosi na izvor sredstava od 4.500.000,00 KM, koja su namijenjena za rješavanje poticajnih otpremnina za zaposlenike "Energopetrola" d.d. Sarajevo koji žele sporazumno i dobrovoljno napustiti "Energopetrola" d.d. Sarajevo.

Na 99. sjednici održanoj 15.04.2009.g. Vlada Federacije BiH je, nakon rasprave, prihvatila Izvještaj Agencije za privatizaciju u FBiH o realizaciji i izvršenju ugovornih obaveza u postupku dokapitalizacije Energopetrola d.d. Sarajevo, kao i prijedloge koje je Komisija predložila.

Prema ugovoru, Konzorcij MOL-INA je u tri godine trebao u Energopetrol uložiti 150.000.000 konvertibilnih maraka: u prvoj 20.000.000 KM, u drugoj 35.000.000 KM, a u trećoj 95.000.000 KM. Do sada je, pak, uloženo samo oko 6.000.000 KM, što predstavlja 35 posto ulaganja predviđenih za prvu godinu.

U okviru mjera za sporazumni raskid ugovora o radu do 10.11.2008.g. za otpremnine 84 zaposlenika je, na osnovu potpisanog Sporazuma radnika i poslodavca, ukupno isplaćeno (s porezima i drugim davanjima) 2,62 miliona konvertibilnih maraka.

Prilikom zaključivanja Ugovora o dokapitalizaciji u Energopetrolu je bilo zaposleno 1.059 zaposlenika dok je sa 10. novembrom prošle godine taj broj smanjen na ukupno 882 zaposlenika raspoređena na podružnice u Sarajevu, Mostaru, Bihaću i Živicama. To znači da je u ovom periodu preduzeće, po raznim osnovama, napustilo 214, a novoprimljenih je 34 zaposlenika.

Vlada je zadužila Federalno ministarstvo energije, rudarstva i industrije i Agenciju za privatizaciju da, zajedno sa kupcem, u roku od 30 dana izaberu nezavisnu međunarodnu revizorsku firmu, registrovanu na području BiH, koja bi sačinila zaključni nalaz o ispunjenju obaveza Konzorcija o ugovorenom investiranju u prethodnom periodu.

Ukoliko se ova obaveza ne realizuje, Vlada će razmotriti pokretanje postupka u skladu sa obavezama iz ugovora za njegov raskid.

Vlada je zadužila "Energopetrol" d.d. Sarajevo da Komisiji za praćenje realizacije ugovora o dokapitalizaciji pruži na uvid svu potrebnu dokumentaciju u cilju sagledavanja pravog stanja i otklanjanja svih eventualnih nejasnoća u radu i sačinjavanju novih izvještaja za Vladu Federacije BiH.

Vlada Federacije BiH će i dalje kontinuirano pratiti dešavanja u "Energopetrol" d.d. Sarajevo, a po dobijanju nalaza nezavisne međunarodne revizorske firme sagledat će poduzimanje slijedećih aktivnosti vezanih za predmetnu dokapitalizaciju.

S poštovanjem,

  
**MINISTAR**  
**mr. Vahid Hećo**  


Dostavljeno:

- Naslovu
- 05
- a/a



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1467/09  
Sarajevo, 2.7.2009. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 03.07/09			
Organizaciona jedinica	Klasifikaciona oznaka	Redni broj	Broj priloga
01-50-1		11-52	09

**PARLAMENTARNA SKUPŠTINA**  
**BOSNE I HERCEGOVINE**

*- Zastupnički dom -*


**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 93. sjednici održanoj 2.7.2009. godine, utvrdilo je Odgovor na zastupničko pitanje koje je Husein Nanić, zastupnik u Zastupničkom domu Parlamentarne skupštine Bosne i Hercegovine, postavio na 52. sjednici ovog doma održanoj 29.4.2009. godine.

U privitku dostavljamo Odgovor uz molbu da isti uručite zastupniku.

S poštovanjem,



**GENERALNI TAJNIK**  
*Zvonimir Kufleša*



**BOSNA I HERCEGOVINA  
VIJEĆE MINISTARA**

Broj: 05-50-1467/09  
Sarajevo, 2.7.2009. godine

**Husein Nanić**, poslanik u Predstavničkom domu Parlamentarne skupštine Bosne i Hercegovine, na 52. sjednici Predstavničkog doma održanoj 29.04.2009. godine, postavio je sljedeće poslaničko pitanje:

"Da li je Vijeće ministara utvrdilo Trogodišnji program javnih investicija."

Na postavljeno pitanje, Vijeće ministara Bosne i Hercegovine je na 93. sjednici održanoj 2.7.2009. godine, utvrdilo sljedeći

**ODGOVOR**

Ministarstvo finansija i trezora, Sektor za koordinaciju međunarodne ekonomske pomoći je pripremio i izradilo Program javnih investicija Institucija Bosne i Hercegovine za razdoblje 2009.-2011. godine, te je isti 18.05.2009. godine uputilo u proceduru usvajanja. Nakon usvajanja Programa javnih investicija Institucija Bosne i Hercegovine i usvajanja Programa javnih investicija Federacije, Republike Srpske i Brčko Distrikta, Ministarstvo financija i trezora će izraditi Program javnih investicija Bosne i Hercegovine, za razdoblje 2009.-2011. godine.



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1677/09  
Sarajevo, 12.6.2009. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 15-06-2009			
Organizaciona jedinica	Klasifikaciona oznaka	Redni broj	Broj priloga
01	50-1-15	52	09

**PARLAMENTARNA SKUPŠTINA**  
**BOSNE I HERCEGOVINE**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 90. sjednici održanoj 11.6.2009. godine, utvrdilo je odgovor na zastupničko pitanje koje je Husein Nanić, zastupnik u Zastupničkom domu Parlamentarne skupštine Bosne i Hercegovine, postavio na 52. sjednici ovog doma održanoj 29.4.2009. godine.

U privitku dostavljamo odgovor uz molbu da isti uručite zastupniku.

S poštovanjem,



**GENERALNI TAJNIK**  
**Zvonimir Kutleša**





**BOSNA I HERCEGOVINA  
VIJEĆE MINISTARA**

Broj: 05-50-1677/09  
Sarajevo, 11.6.2009. godine

Husein Nanić, poslanik u Predstavničkom domu Parlamentarne skupštine Bosne i Hercegovine, na 52. sjednici Predstavničkog doma, održanoj 29. Aprila 2009. godine, postavio je sljedeće poslaničko pitanje:

«Sa koliko neiskorištenih kreditnih sredstava BiH raspolaže, za šta su ta sredstva namijenjena, koliko se plaća zatezna kamata i šta Vijeće ministara poduzima kako bi se ta sredstva utrošila?»

Na postavljeno pitanje, Vijeće ministara Bosne i Hercegovine je na 90. sjednici održanoj 11. 6. 2009. godine, utvrdilo sljedeći

**ODGOVOR**

Prema raspoloživim podacima Ministarstva finansija i trezora BiH, u privitku se daje tablični pregled neiskorištenih sredstava kredita i grantova (namjena, iznosi odobrenih, povučenih i nepovučenih sredstava i dr.), ažuriranih sa 30.04.2009. godine.

U okviru obaveza koje se plaćaju po osnovu kreditnih zaduženja po dospijeću, osim glavnice i kamate plaćaju se i servisni troškovi (service charge), troškovi na neiskorištena sredstva (commitment fee), troškovi na odobrena sredstva (front and fee), te provizije.

Commitment fee obračunava većina ino-kreditora (EBRD, WB i drugi kreditori). Visina sredstava koja se plaćaju ovisi prije svega od ugovorenog datuma efektivnosti, ali i prirode projekta kao i dinamike kojom krajnji korisnici (u entitetima prvenstveno) troše sredstva koja su im na raspolaganju.

Commitment fee u Europskoj banci za obnovu i razvoj (EBRD) iznosi 0,5 %. Takođe, generalnim uslovima ove banke definisan je i front and fee (jednokratna provizija) u iznosu

od 1% zajma, a plaća se uglavnom po proglašenju efektivnosti kredita. U Svjetskoj banci (WB) Commitment fee je maksimalno 0,5%, odnosno kreće se u rasponu od 0%-0,5%. Kod Svjetske banke visina ove stope ovisi od procjene održivosti duga koju Svjetska banka radi za svaku zemlju, a izvršni direktori WB donose odluku o promjeni stope. Tako je kod Svjetske banke Bosna i Hercegovina do sada plaćala commitment fee po stopi: 0% (od 1996.-početak 2003.); 0,50% (kraj 2003. i početak 2004.) 0,35% (kraj 2004. i početak 2005.); 0,30% (kraj 2005. i početak 2006.); 0,20% (kraj 2006. i početak 2007.); 0,10% (kraj 2007 i kraj 2008); 0% (početak 2009 godine).

Trošak definiran kao “**Commitment fee**”, je trošak koji se obračunava na neiskorištena, a odobrena sredstva i kao takav ugrađen je (uglavnom) u standardne uvjete poslovanja ino-kreditora.

Naime, na ugovorom rezervirane kredite kod banaka, a koji nisu “povučeni“ plaća se commitment fee. Pojednostavljeno, osnovica za obračun predstavlja razliku između odobrenih i povučenih sredstva. Što je više “povlačenja” kredita - osnovica za obračun tog troška se smanjuje, a najviše se plaća u prvim obračunskim periodima zbog malo ili nimalo povučenih sredstava. Obračunava se na ostatak nepovučenih sredstava i fakturiše na ugovorene datume dospijeca kamate.

**Dakle, ne radi se o zateznim kamata, ili penalima već o redovnim troškovima definiranim generalnim uslovima kreditora, odnosno međunarodnim kreditnim ugovorima.**

***Plaćeni troškovi na neangažovana sredstva (commitment fee) za period 1996.-2008. godina***

Stoga, cijeneći značaj dinamike realizacije projekata, odnosno dinamike angažovanja («povlačenja») odobrenih sredstava, te troškova na «ne angažovana» sredstava, daje se analitički pregled plaćenih ukupnih troškova na ne angažovana sredstva, a po odobrenim kreditima u periodu od 1996. zaključno sa 2008. godinom. Pri ovome se napominje da su za realizaciju projekata, tj. implementaciju sredstava po odobrenim kreditima zaduženi krajnji korisnici kredita, prvenstveno u entitetima, ili za to određenih jedinica za implementaciju.

godine	u konvertibilnim markama
1996.	0
1997.	0
1998.	500.416
1999.	498.206
2000.	219.311
2001.	143.796
2002.	516.883
2003.	1.063.632
2004.	2.578.993
2005.	1.662.946
2006.	2.633.484
2007.	2.552.924
2008.	4.462.517
(1996.-2008.)	
<b>Ukupno</b>	<b>16.833.107</b>



Stoga, ostaje otvoreno i opravdano pitanje dinamike „povlačenja“ kredita, koja u slučaju zastoja u fazi implementacije kredita, tj. realizacije projekata, „povlači“ dodatne troškove na ne angažovani dio kredita (commitment fee).

Jasno je da ne blagovremeno korištenje odobrenih kreditnih sredstva, pored dodatnih troškova, rezultuje potencijalne štete u vidu ne stvaranja nove vrijednosti, kao i obračunatim, ali ne uplaćenim porezima i doprinosima koji se vežu za tu vrijednost.

Imajući navedeno u vidu, Vijeća ministara BiH je u okviru mjera za ublažavanje ekonomske krize akcentiralo i ovo pitanje u dijelu koji se odnosi na nastavak saradnju s međunarodnim finansijskim institucijama posebno sa Svjetskom bankom vezano za ubrzanje realizacije već odobrenih projekata. Pri tome je posebno istaknuta potreba za intenziviranjem započetih pregovora po pojedinim aranžmanima i **ubrzanja realizacije već odobrenih projekata.**

Slijedom navedenog, Ministarstvo finansija i trezora je 20.03.2009.godine, uputilo dopis entitetima, sa detaljnim godišnjim izačunima ukupnih troškova na ne angažovana sredstva, pregledom po ino-kreditorima, projektima i entitetima, a kako bi u okviru svojih ingerencija, inicirali aktivnosti na blagovremenoj dinamici realizacije projekata, odnosno sagledali razloge “zastoja” dinamike realizacije određenih projekata, tj, korištenja odobrenih kredita i time umanjili ovu vrstu troškova.

Prvotak: kao u tekstu

**MINISTARTSVO FINACIJA I TREZORA BIH**

Pregled nepovučenih sredstava po odobrenim projektima koji su u implementaciji sa stanjem na dan 30.04.2009.

u milionima

Red. broj	Naziv projekta	Iznos kredita i granta	Valuta kredita i granta	Ukupno povučeno u originalnoj valuti	Procent (%) povučenih sredstava	Nepovučena sredstva	
						u orig.valuti	preračun u BAM/KM
<b>I WB - IDA krediti</b>						<b>193,98</b>	
1	Razvitak zajednica (CDP) dodatno fin.	3,40	SDR	1,97	57,94	1,43	3,16
2	Upravljanje čvrstim otpadom	14,30	SDR	10,96	76,64	3,34	7,37
3	Upravljanje čvrstim otpadom - dodatno fin	5,30	SDR	1,65	31,13	3,65	8,05
4	Razvitak male komerc. poljoprivrede	8,70	SDR	8,18	94,02	0,52	1,15
5	Jačanje zdrav. sektora (HSEP)	11,20	SDR	7,17	64,02	4,03	8,89
6	Razvoj i konzervacija šuma	2,80	SDR	2,80	100,00	0,00	0,00
7	Razvoj i konzervacija šuma - dodatno finans.	2,30	SDR	0,82	35,65	1,48	3,27
8	Urbana infrastruktura	13,80	SDR	7,27	52,68	6,53	14,41
9	Urbana infrastruktura dodatno finansiranje	3,30	SDR	0,33	10,00	2,97	6,55
10	Registracija zemljišta	10,40	SDR	2,34	22,50	8,06	17,79
11	Energetska zajed JE (ECSEE Apl 3 BiH)	25,10	SDR	0,61	2,43	24,49	54,04
12	Poljoprivreda i ruralni razvoj	13,80	SDR	1,64	11,88	12,16	26,83
13	Ptičija grip	3,30	SDR	0,46	13,94	2,84	6,27
14	Putna infrastruktura i sigurnost	16,40	SDR	0,00	0,00	16,40	36,19
<b>Grantovi za koje je administrator WB</b>						<b>36,00</b>	
1	Zaštita kvaliteta voda (GEF grant)	8,90	USD	0,70	7,87	8,20	12,09
2	Uprav.Neretvom i Trebišnjicom (GEF grant)	6,00	USD	0,00	0,00	6,00	8,85
3	Šumska i planinska zašt.područja (GEF grant)	3,40	USD	0,00	0,00	3,40	5,01
4	Poljoprivreda i ruralni razvoj (SIDA grant)	5,00	USD	0,58	11,60	4,42	6,52
5	Upravljanje pod.preko PIF (EU grant)	2,55	USD	1,27	49,80	1,28	1,89
6	Razvitak općina (Japanski grant)	0,48	USD	0,06	12,50	0,42	0,62
7	PHRD (Japanski grant)	0,70	USD	0,00	0,00	0,70	1,03
<b>II Razvojna banka Vijeća Europe</b>						<b>13,80</b>	
1	Rekonstrukcija objekata za povr.izbjeglica.	8,00	EUR	5,89	73,63	2,11	4,13
2	Revitalizacija sektora zdravstva	14,00	USD	7,78	55,57	6,22	9,17
3	Rekonstrukcija Gimnazije Mostar	1,035	EUR	0,78	75,36	0,26	0,50
<b>III Europska investiciona banka</b>						<b>648,36</b>	
1	Sarajevska zaobilaznica	31,5	EUR	0,00	0,00	31,50	61,61
2	Obnova električne energije	103	EUR	7,00	6,80	96,00	187,76
3	Sanacija puteva u RS	40	EUR	18,00	45,00	22,00	43,03
4	Željeznice II	86	EUR	3,00	3,49	83,00	162,33
5	Sanacija puteva u FBiH	50	EUR	11,00	22,00	39,00	76,28
6	Nacionalni putevi Banja Luka Gradiška	65	EUR	5,00	7,69	60,00	117,35
<b>IV EBRD</b>						<b>453,19</b>	
1	Rekonstrukcija elektroen. Sistema	68,20	EUR	54,18	79,44	14,02	27,42
2	Razvitak regionalnih puteva	70,00	EUR	28,02	40,03	41,98	82,11
3	Upravljanje vazdušnim saobraćajem	12,00	EUR	4,58	38,17	7,42	14,51
	Upravljanje vazdušnim saobraćajem dodatni	5,00	EUR	0,05	1,00	4,95	9,68
5	Rekonstrukcija elektroen. sistema	55,00	EUR	26,63	48,42	28,37	55,49
6	Rekonstrukcija željeznica	70,00	EUR	0,70	1,00	69,30	135,54
7	Kanalizacioni sistem Bijeljina	7,00	EUR	2,33	33,29	4,67	9,13
8	Rehabilitacija cesta	75,00	EUR	14,00	18,67	61,00	119,31
<b>V IFAD</b>						<b>16,18</b>	
1	Razvitak ruralnog poduzetništva	8,80	SDR	1,47	16,70	7,33	16,18
<b>VI OPEC Fond</b>						<b>50,08</b>	
1	Sarajevska obilaznica	18	USD	0,00	0,00	18,00	26,54
2	Razvitak ruralnog poduzetništva	5,95	USD	1,98	33,28	3,97	5,85
3	Rekonstr želj. Dion. Sarajevo-Bradina	12	USD	0,00	0,00	12,00	17,69
<b>VII Vlada Kraljevine Španije</b>						<b>89,36</b>	
1	Vagoni nagibne tehnike Talgo	67,6	EUR	21,91	32,41	45,69	89,36
<b>VIII Sudijski fond za razvoj</b>						<b>0,06</b>	
1	Rekonstrukcija BiH	112,5	SR	112,34	99,86	0,16	0,06
<b>IX Republika Austrija</b>						<b>24,62</b>	
1	Vodosnabdjevanje Distrikt Brčko	4,96	EUR	3,55	71,57	1,41	2,76
2	Vodosnabdjevanje općina Posušje	2,5	EUR	2,35	94,00	0,15	0,29
3	Vodosnabdjevanje Općina Srbac	1,7	EUR	0,87	51,18	0,83	1,62
4	Vodovod Fojnica-Kiseljak	4,99	EUR	1,70	34,07	3,29	6,43
5	Klinička bolnica Mostar	5,59	EUR	5,59	100,00	0,00	0,00
6	Regionalni Centar "Safet Mujić" Mostar	2,56	EUR	2,56	100,00	0,00	0,00
7	Dom zdravlja Mostar	0,81	EUR	0,81	100,00	0,00	0,00
8	Univerzitet Zenica	4,97	EUR	1,24	24,95	3,73	7,30
9	Vodosnabdjevanje Općine Laktaši	3,53	EUR	0,35	9,92	3,18	6,22

X KfW (kredit i grant)							60,63
1	Sanacija gradskih vodovoda i kanal.sistema u BiH	14,00	EUR	0,00	0,00	14,00	27,38
	kredit	5,00	EUR	0,00	0,00	5,00	9,78
	grant	9,00	EUR	0,00	0,00	9,00	17,60
2.	Sanacija HE Rama	17,00	EUR	0,00	0,00	17,00	33,25
	kredit	10,00	EUR	0,00	0,00	10,00	19,56
	grant	7,00	EUR	0,00	0,00	7,00	13,69
	UKUPNO	-	-	-	-	-	1.586,26
	Od toga krediti	-	-	-	-	-	1.518,96
	Od toga grantovi	-	-	-	-	-	67,30

**Napomena**

Preračun u BAM/KM izvršen po srednjem tečaju kursne liste CCBiH od 30.04.2009. godine

Sarajevo, 19.05.2009. godine

Kursna lista CBBIH na dan 30.04.2009.

Field13	Daily rate
AUD	1,060991
USD	1,474318
DEM	1
CAD	1,226841
JPY	0,01521691
SDR	2,206783
DKK	0,262587
EUR	1,95583
CHF	1,298347
GBP	2,176167
SR	0,395744
NOK	0,223984
SEK	0,181774
HRK	0,26350017
CZK	0,07328
HUF	0,0067629
LTL	0,566448
BAM	1
KWD	5,0149
RSD	0,02049335
TRY	0,923345
RUB	0,044522



Broj: 101-1191/09  
Sarajevo, 22.10.2009**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 29.10.2009			
Organizaciona jedinica	Klasifikaciona oznaka	Redni broj	Broj priloga
01-50-1-15-61/09			

01-50-1-15-52/09

PARLAMENTARNA SKUPŠTINA BIH  
PREDSTAVNIČKI/ZASTUPNIČKI DOMPREDMET: Odgovor na poslaničko pitanje i  
Urgenciju Broj 01/a-50-1-15-61/09

Poštovani,

U prilogu dostavljamo odgovor na poslaničko pitanje koje je postavio gospodin Husein Nanić na 52. sjednici Predstavničkog/Zastupničkog doma, a u vezi naplate takse za gledanje satelitskog programa BHT-a u dijaspori.

S poštovanjem,

  
Nermin Durmo,  
v.d. generalnog direktora

**Odgovor na pitanja poslanika Huseina Nanića, postavljena na 52 sjednici Parlamentarne Skupštine BiH, dana 29.04.2009 godine:**

*Pitanje: 3. „Na koji način se naplaćuje taksa za prijem gledanja satelitskog programa u dijaspori, koliko je kartica po godinama od uspostavljanja tog sistema prodato i kolika je pojedinačna cijena? Šta je rukovodstvo uradilo i šta planira uraditi da se ta naplata poveća?“*

**Odgovor BHT SAT-a:**

Naplaćivanje takse za gledanje satelitskog programa BHT-a u dijaspori se vrši putem prodaje kartica za prijem satelitskog signala, i to preko Akvizitera (lista avizitera BHT-a se može naći na [www.bhrt.ba](http://www.bhrt.ba) ili na teletextu 108).

Od uspostavljanja sistema satelitskog programa BHRT-a je prodato oko 3.500 kartica, ne računajući godišnja produženja.

Više informacija o broju prodatih kartica po godinama možete dobiti iz Tabele 1.

Godine	2004	2005	2006	2007	2008	I – IX / 2009
<b>Prodato kartica</b>	671	730	1.430	104	551	379
<b>Produzeno kartica</b>	-	-	604	686	955	713

Tabela 1. Pregled prodatih i produženih kartica satelitskog programa BHRT-a

Cijena godišnjeg najma satelitske kartice za dijasporu iznosi 90,00 € (eura), koliko košta i njeno produženje za period od godinu dana.

BHRT da bi omogućio građanima BiH koji žive u inostranstvu da što lakše dođu do BHT SAT kartica, organizovao mrežu Akvizitera za prodaju satelitskih kartica. Sa svakim od njih je sklopljen Ugovor i Akviziteri primaju određenu naknadu za svoj rad.

Da bi se povećala naplata potrebno je poboljšati kvalitet programa sadržajima koji su interesantni građanima koji žive u inostranstvu, odnosno napraviti poseban satelitski program za koji su potrebna dodatna sredstva kojima BHRT ne raspolaže. Za satelitski program potrebna su posebna sredstva jer se proizvodnja i emitovanje programa prema evropskim konvencijama ne smije finansirati iz sredstava od RTV takse koju plaćaju građani koji žive u BiH.



Enida Sejdic  
BHT SAT



Emir Bašić  
BHT SAT